



Bosnia and Herzegovina  
Federation of Bosnia and Herzegovina  
**CANTON SARAJEVO**  
Government

Broj: 02-04-14793-5/22  
Sarajevo, 07.04.2022. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 - Ispravka) Vlada Kantona Sarajevo, na **73.** sjednici održanoj **07.04.2022.** godine, donijela je

## ZAKLJUČAK

1. Utvrđuje se prijedlog Zakona o Kantonalnoj agenciji za privlačenje investicija i privatizaciju.
2. Predlaže se Skupštini Kantona Sarajevo da donese Zakon iz tačke 1. ovog zaključka u skladu sa Poslovnikom Skupštine Kantona Sarajevo ("Službene novine Kantona Sarajevo", broj: 41/12 - Drugi novi prečišćeni tekst, 15/13, 47/13, 47/15, 48/16, 9/20 i 14/20).

**P R E M I J E R**

**Edin Forto**

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Ministarstvo privrede Kantona Sarajevo,
6. Evidencija,
7. A r h i v a.



Bosna i Hercegovina  
Federacija Bosne i Hercegovine  
**KANTON SARAJEVO**  
**V L A D A**

**ZAKON**  
**O KANTONALNOJ AGENCIJI ZA PRIVLAČENJE INVESTICIJA**  
**I PRIVATIZACIJU**  
**(PRIJEDLOG)**

Nosilac izrade:  
Ministarstvo privrede Kantona Sarajevo

Sarajevo, februar, 2022. godine

Na osnovu člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96-Ispravka, 3/96-Ispravka, 16/97, 14/00, 4/01, 28/04, 6/13 i 31/17) i člana 20. Zakona o Agenciji za privatizaciju („Službene novine Federacije Bosne i Hercegovine“, br. 18/96, 2/02 i 110/12), Skupština Kantona Sarajevo na \_\_\_sjednici od \_\_\_\_\_2022. godine, donijela je

## **PRIJEDLOG**

# **ZAKON O KANTONALNOJ AGENCIJI ZA PRIVLAČENJE INVESTICIJA I PRIVATIZACIJU**

## **I - OPĆE ODREDBE**

### **Član 1. (Osnivanje)**

Ovim zakonom osniva se Kantonalna agencija za privlačenje investicija i privatizaciju (u daljem tekstu: Agencija), utvrđuje njen pravni položaj, sjedište, djelatnost i nadležnost, upravljanje, rukovođenje i finansiranje.

## **II - PRAVNI POLOŽAJ, SJEDIŠTE I POČETAK RADA AGENCIJE**

### **Član 2. (Pravni položaj)**

- (1) Agencija ima svojstvo pravnog lica.
- (2) Agencija je specijalizovana organizacija Kantona Sarajevo (u daljem tekstu: Kanton).

### **Član 3. (Sjedište)**

Sjedište Agencije je u Sarajevu.

### **Član 4. (Početak rada)**

Agencija počinje sa radom danom imenovanja direktora.

## **III - DJELATNOST I NADLEŽNOST AGENCIJE**

### **Član 5. (Djelatnost Agencije)**

Agencija vrši stručne i druge poslove i sa njima povezane upravne poslove utvrđene zakonima i drugim propisima, koji se odnose na podršku u privlačenju investicija, privatizaciju, koordinaciju i korištenje EU i drugih međunarodnih i domaćih fondova na nivou Kantona.

### **Član 6. (Nadležnost u oblasti privlačenja investicija)**

- (1) Agencija predstavlja centralno mjesto u Kantonu na koje se upućuju potencijalni i postojeći domaći i strani investitori za sve informacije vezane za poslovno okruženje.

konkurentne prednosti i investicione mogućnosti u Kantonu, za podršku prilikom realizacije ulaganja i postinvesticionu podršku.

(2) U okviru svoje djelatnosti iz oblasti podrške privlačenju investicija, Agencija provodi aktivnosti podrške Vladi Kantona Sarajevo (u daljem tekstu: Vlada Kantona) i resornim ministarstvima Kantona na privlačenju, pomaganju i podsticanju domaćih i stranih ulaganja za domaće i strane ulagače u Kantonu, koordinaciji institucija kantonalnog i lokalnog nivoa, te saradnji sa institucijama federalnog i nivoa Bosne i Hercegovine u oblasti domaćih i stranih ulaganja, a u vezi sa privlačenjem, pomaganjem i podsticanjem istih.

#### Član 7.

(Nadležnost u oblasti privatizacije)

U okviru svoje djelatnosti u oblasti privatizacije Agencija vrši:

- a) organizovanje i podsticanje privatizacije privrednih subjekata na području Kantona;
- b) odobravanje početnog bilansa privrednih subjekata u skladu sa metodologijom za pripremu privrednih subjekata za privatizaciju;
- c) određivanje, provođenje, organizovanje i nadziranje privatizacije privrednih subjekata na području Kantona;
- d) zaključivanje ugovora o privatizaciji privrednih subjekata putem prodaje privrednih subjekata, leasinga i drugih metoda;
- e) organizovanje i podsticanje obrazovanja i stručnog usavršavanja u oblasti privatizacije;
- f) pružanje savjetodavne pomoći privrednim subjektima na području Kantona u oblasti privatizacije;
- g) organizovanje i provođenje informativno-promotivnih djelatnosti u oblasti privatizacije; i
- h) obavlja i druge poslove u vezi sa privatizacijom, utvrđene zakonom i drugim propisima i odlukama Vlade Kantona.

#### Član 8.

(Nadležnost u oblasti koordinacije i korištenju EU i drugih međunarodnih i domaćih fondova)

U okviru svoje djelatnosti iz oblasti koordinacije poslova na apliciranju za korištenje EU fondova i ostvarivanju saradnje sa EU fondovima i drugim fondovima uz saglasnost resornog ministarstva, Agencija vrši:

- a) planiranje i praćenje procesa implementacije IPA fondova, kao i osiguranje neophodnih preduslova za iste;
- b) obavljanje priprema za jačanje apsorpcijskih kapaciteta Kantona za predpristupne, kohezivne, strukturalne i druge fondove EU kao i druge međunarodne i domaće fondove;
- c) praćenje, analiziranje, izvještavanje i davanje preporuka za poboljšanje projekata na prostoru Kantona finansiranih iz EU i drugih međunarodnih i domaćih fondova;
- d) pripremu projekata finansiranih iz EU i drugih međunarodnih i domaćih fondova za Vladu Kantona, ministarstva Kantona, ostale organe uprave i upravne organizacije Kantona, javna preduzeća Kantona, Grad Sarajevo i općine na području Kantona;
- e) koordiniranje rada predstavnika Kantona u radnim grupama vezano za IPA fondove;
- f) organizovanje edukacija i drugih vidova stručnog usavršavanja kadrova u korištenju fondova EU, prije i nakon pristupanja EU;
- g) učestvovanje u skupljanju i davanju informacija potrebnih za pisanje izvještaja za Bosnu i Hercegovinu unutar svoje djelatnosti;



h) komuniciranje, kontaktiranje i koordiniranje sa nadležnim institucijama sa svih nivoa vlasti, a naročito sa Uredom Vlade Federacije Bosne i Hercegovine za EU integracije i Uredom Državnog IPA koordinatora u skladu sa njihovim nadležnostima.

#### IV - UPRAVNO RJEŠAVANJE I UPRAVNI NADZOR

##### Član 9.

(Upravno rješavanje u oblasti privatizacije i zaključivanje ugovora)

- (1) Agencija, u okviru svoje nadležnosti u oblasti privatizacije, donosi pojedinačne upravne akte, na osnovu materijalnog propisa, a u skladu sa zakonom koji reguliše upravni postupak.
- (2) U okviru ovlaštenja utvrđenih zakonom i drugim propisima, Agencija u postupku privatizacije zaključuje ugovore i posreduje u zaključivanju ugovora.

##### Član 10.

(Upravni nadzor)

Po žalbama na prvostepena rješenja Agencije, donesena u upravnom postupku u oblasti privatizacije, rješavaju ministarstva Kantona, svako u okviru svoje nadležnosti.

#### V - SARADNJA SA DRUGIM ORGANIMA I INSTITUCIJAMA

##### Član 11.

(Saradnja sa drugim organima i institucijama)

U okviru svoje djelatnosti Agencija saraduje sa organima Bosne i Hercegovine, Federacije Bosne i Hercegovine, organima uprave Kantona i drugih kantona u Federaciji Bosne i Hercegovine, općinskim i gradskim organima uprave u Kantonu, međunarodnim institucijama i organizacijama u skladu sa uputama Vlade Kantona.

##### Član 12.

(Obaveza dostave informacija i pružanja podrške)

Sva ministarstva i organi uprave u Kantonu, niži nivoi jedinica lokalne samouprave, kao i privredna društva kojima upravlja ili u čijem upravljanju učestvuje Kanton po osnovu državnog kapitala, dužni su dostavljati sve informacije i pružati svu podršku koja je potrebna Agenciji za realizaciju aktivnosti iz čl. 6., 7. i 8. ovog zakona.

#### VI - UPRAVLJANJE I RUKOVOĐENJE AGENCIJOM

##### Član 13.

(Organi Agencije)

Organi Agencije su Upravni odbor, Nadzorni odbor i direktor.

##### Član 14.

(Sastav Upravnog odbora i odgovornost za rad)

- (1) Agencijom upravlja Upravni odbor.
- (2) Upravni odbor se sastoji od predsjednika i dva člana koje imenuje Skupština Kantona Sarajevo (u daljem tekstu: Skupština Kantona) na prijedlog Vlade Kantona, na period od četiri godine.
- (3) Upravni odbor za svoj rad odgovoran je Vladi Kantona i Skupštini Kantona.

#### Član 15.

(Nadležnosti Upravnog odbora)

Upravni odbor Agencije:

- a) donosi Statut Agencije, uz saglasnost Vlade Kantona;
- b) donosi Poslovnik o svom radu;
- c) donosi druge opće akte Agencije na prijedlog direktora, izuzev Pravilnika o radu;
- d) usvaja finansijski plan i program rada Agencije na prijedlog direktora;
- e) usvaja završni račun i izvještaj o radu Agencije;
- f) vrši i druge poslove u skladu sa zakonom i Statutom Agencije.

#### Član 16.

(Sastav Nadzornog odbora i odgovornost za rad)

- (1) Nadzor nad zakonitošću rada i finansijskog poslovanja Agencije provodi Nadzorni odbor.
- (2) Nadzorni odbor se sastoji od predsjednika i dva člana, koje imenuje i razrješava Skupština Kantona, na period od četiri godine.
- (3) Nadzorni odbor za svoj rad odgovoran je Skupštini Kantona.

#### Član 17.

(Nadležnosti Nadzornog odbora)

Nadzorni odbor Agencije:

- a) nadzire rad Agencije;
- b) donosi Poslovnik o svom radu;
- c) razmatra finansijski plan i program rada Agencije i daje mišljenje Upravnom odboru;
- d) razmatra završni račun i izvještaj o radu Agencije i daje mišljenje Upravnom odboru;
- e) vrši i druge poslove u skladu sa zakonom i Statutom Agencije.

#### Član 18.

(Direktor)

- (1) Agencijom rukovodi direktor.
- (2) Direktora imenuje i razrješava Vlada Kantona.
- (3) Direktor se imenuje na mandat od četiri godine i može biti ponovo imenovan na još jedan mandat.

#### Član 19.

(Nadležnosti direktora)

- (1) Direktor organizuje, koordinira i rukovodi izvršenje poslova u Agenciji.
- (2) Direktor u svom radu:
  - a) rukovodi Agencijom;
  - b) predstavlja i zastupa Agenciju;
  - c) odgovara za zakonitost rada, pravilno i zakonito vođenje materijalno-finansijskog poslovanja Agencije;
  - d) donosi Pravilnik o radu;
  - e) odlučuje o zapošljavanju i raspoređivanju radnika Agencije;
  - f) donosi pojedinačne pravne akte iz nadležnosti Agencije;
  - g) provodi odluke, zaključke, upute i druge akte Vlade Kantona, Upravnog i Nadzornog odbora Agencije;
  - h) obavlja i druge poslove utvrđene zakonom, Statutom i drugim općim aktima Agencije.

Član 20.  
(Statut)

Statutom Agencije uređuje se naročito:

- a) organizacija i način poslovanja Agencije;
- b) upravljanje, nadzor i rukovođenje Agencijom;
- c) zastupanje i predstavljanje Agencije; i
- d) druga pitanja u vezi sa poslovanjem Agencije.

VII - FINANSIRANJE AGENCIJE

Član 21.  
(Finansiranje Agencije)

Sredstva za rad Agencije osiguravaju se u Budžetu Kantona.

Član 22.  
(Finansijsko poslovanje)

- (1) Finansijsko poslovanje Agencije vrši se u skladu sa propisima koji regulišu trezorsko poslovanje.
- (2) Raspodjela prihoda koje Agencija ostvari po osnovu obavljanja poslova iz svoje nadležnosti vrši se na osnovu odluke Vlade Kantona.

VIII - PRELAZNE I ZAVRŠNE ODREDBE

Član 23.  
(Prestanak rada Kantonalne agencije za privatizaciju)

Kantonalna agencija za privatizaciju prestaje sa radom danom početka rada Agencije.

Član 24.  
(Rok za imenovanje direktora)

Vlada Kantona će imenovati direktora u roku od 30 dana od dana stupanja na snagu ovog zakona.

Član 25.  
(Statut i opći akti)

- (1) Upravni odbor Agencije će donijeti Statut uz saglasnost Vlade Kantona u roku od 15 dana od dana njegovog imenovanja.
- (2) Upravni odbor Agencije će donijeti Pravilnik o unutrašnjoj organizaciji i druge opće akte Agencije u roku od 30 dana od dana donošenja Statuta.

Član 26.  
(Rok za imenovanje Upravnog i Nadzornog odbora)

- (1) Vlada Kantona će imenovati Upravni odbor u roku od 30 dana od dana stupanja na snagu ovog zakona.
- (2) Skupština Kantona će na prijedlog Vlade Kantona imenovati Nadzorni odbor, u roku od 60 dana od dana stupanja na snagu ovog zakona.

Član 27.

(Prestanak mandata)

Mandat direktora, Upravnog odbora i Nadzornog odbora Kantonalne agencije za privatizaciju prestaje sa danom prestanka rada Kantonalne agencije za privatizaciju.

Član 28.

(Preuzimanje zaposlenika)

Danom početka rada Agencija preuzima zaposlenike koji se zateknu na radu u Kantonalnoj agenciji za privatizaciju do dana njenog prestanka rada.

Član 29.

(Preuzimanje poslova, opreme, sredstava za rad, arhive, akata, predmeta i druge dokumentacije)

Danom početka rada Agencija preuzima poslove, opremu, sredstva za rad, arhivu, akte, predmete i drugu dokumentaciju kao i druga prava i obaveze Kantonalne agencije za privatizaciju, čiji je pravni sljednik.

Član 30.

(Prestanak važenja ranijeg propisa)

Danom stupanja na snagu ovog zakona prestaje da važi Zakon o Kantonalnoj agenciji za privatizaciju („Službene novine Kantona Sarajevo“, br. 6/97, 7/00 i 19/11).

Član 31.

(Stupanje na snagu)

Ovaj zakon stupa na snagu osmog dana od dana objavljivanja u „Službenim novinama Kantona Sarajevo“.

**PREDSJEDAVAJUĆI  
SKUPŠTINE KANTONA SARAJEVO**

**Elvedin Okerić**

Broj: 01-05-\_\_\_\_\_/22  
Sarajevo, \_\_\_\_\_ 2022. godine

# O B R A Z L O Ž E N J E

## I - PRAVNI OSNOV

Pravni osnov za donošenje Zakona o Kantonalnoj agenciji za privlačenje investicija i privatizaciju sadržan je u članu 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96-Ispravka, 3/96-Ispravka, 16/97, 14/00, 4/01, 28/04, 6/13 i 31/17) i članu 20. Zakona o Agenciji za privatizaciju („Službene novine Federacije Bosne i Hercegovine“, br. 18/96, 2/02 i 110/12).

U članu 18. tačka b) Ustava Kantona Sarajevo propisano je da Skupština Kantona Sarajevo donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona.

U članu 20. Zakona o Agenciji za privatizaciju propisano je da zakonodavno tijelo kantona svojim propisom regulira pitanja od značaja za osnivanje i rad kantonalne agencije za privatizaciju u dijelu kojim nije regulirano ovim zakonom.

## II - RAZLOZI ZA DONOŠENJE

Zakonom o Kantonalnoj agenciji za privatizaciju („Službene novine Kantona Sarajevo“, br. 6/97, 7/00 i 19/11) reguliše se rad Kantonalne agencije za privatizaciju Sarajevo.

Protekom godina, a nakon što se privatizovao veliki broj preduzeća sa većinskim udjelom državnog kapitala Kantona Sarajevo i kada je ostalo svega nekoliko preduzeća u kojima je poništena privatizacija koju treba ponoviti, te sredstva iz pasivnog podbilansa koja se nalaze u bivšim republikama SFRJ van teritorije Bosne i Hercegovine, ukazala se potreba i za dodatnim djelatnostima kojima bi se ova agencija bavila, a to su privlačenje investicija i koordinacija i korištenje EU i drugih međunarodnih i domaćih fondova.

Iako se prvobitno krenulo sa izmjenama važećeg Zakona, zbog obimnosti izmjena, a naročito zbog izmjene naziva same agencije, urađen je potpuno novi zakon, odnosno pripremljen je Nacrt zakona o Kantonalnoj agenciji za privlačenje investicija i privatizaciju.

Skupština Kantona Sarajevo, na 46. Radnoj sjednici održanoj dana 27.12.2021. godine, Zaključkom broj: 01-02-47721/21 od 27.12.2021. godine, utvrdila je Nacrt zakona o Kantonalnoj agenciji za privlačenje investicija i privatizaciju. U tački 2. navedenog zaključka utvrđeno je da će se javna rasprava održati u kantonalnim organima, jedinicama lokalne samouprave, naučnim i stručnim ustanovama, u trajanju od 30 dana. Za organizovanje i provođenje javne rasprave Skupština Kantona Sarajevo je zadužila Vladu Kantona Sarajevo, koja je nakon provedene javne rasprave obavezna da Skupštini Kantona Sarajevo podnese Izvještaj o rezultatima javne rasprave. Izvještaj treba da sadrži primjedbe, prijedloge i mišljenja, kao i obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga zakona o Kantonalnoj agenciji za privlačenje investicija i privatizaciju.

Nakon provedene javne rasprave o Nacrtu zakona o Kantonalnoj agenciji za privlačenje investicija i privatizaciju razmotrene su pristigle primjedbe, prijedlozi i mišljenja. Prilikom pripreme Prijedloga zakona o Kantonalnoj agenciji za privlačenje investicija i privatizaciju, prihvaćene primjedbe i prijedlozi su ugrađeni u tekst Prijedloga zakona.

Prijedlog zakona o Kantonalnoj agenciji za privlačenje investicija i privatizaciju pripremljen je u skladu sa Pravilima i postupcima za izradu zakona i drugih propisa Federacije Bosne i Hercegovine ("Službene novine Federacije BiH", broj 71/14).



Izmjene koje su prema primjedbama i prijedlozima sa javne rasprave ugrađene u Prijedlog zakona u odnosu na Nacrt zakona su:

- izmjenjen je naziv člana 2. i umjesto naziva: „Status i organizacija” naziv člana 2. glasi: „Pravni položaj”, koji je i definisan u članu 2., samo što dosadašnji naziv člana 2. Nacrta zakona nije bio adekvatan nazivu Poglavlja II Nacrta zakona, koji nosi naziv “Pravni položaj, sjedište i početak rada Agencije”;
- u tekstu člana 5. iza riječi EU dodale su se riječi: “i drugih međunarodnih i domaćih”, a ostatak teksta ovog člana ostao je nepromijenjen;
- u nazivu člana 8. iza riječi EU dodale su se riječi: “i drugih međunarodnih i domaćih”, a ostatak naziva ostaje nepromijenjen;
- u tački b) člana 8., iza riječi EU dodale su se riječi: “kao i druge međunarodne i domaće fondove”, a ostatak teksta ove tačke ostaje nepromijenjen;
- u tačkama c) i d) člana 8. iza riječi EU dodale su se riječi: “i drugih međunarodnih i domaćih”, a ostatak teksta ove tačke ostaje nepromijenjen.

Izmjene koje su uočene u toku javne rasprave od strane predlagača zakona i ugrađene u Prijedlog zakona u odnosu na Nacrt zakona su:

- u članu 24. broj “15” zamijenjen je brojem “30”;
- u članu 26. stav (2) broj “30” zamijenjen je brojem “60”.

Navedene izmjene uočene od strane predlagača su tehničke prirode. Rokovi iz čl. 24. i 26. Nacrta zakona su produženi, jer je ocijenjeno da su kratki i isti se vjerovatno ne bi mogli ispoštovati.

### III – PRAVNA RJEŠENJA

Prijedlog zakona o Kantonalnoj agenciji za privlačenje investicija i privatizaciju sadrži ukupno 31. član.

**Član 1.** - (Osnivanje) Propisano je da se osniva Kantonalna agencija za privlačenje investicija i privatizaciju (u daljem tekstu: Agencija), utvrđuje njen pravni položaj, sjedište, djelatnost i nadležnost, upravljanje, rukovođenje i finansiranje.

**Član 2.** - (Pravni položaj) Propisan je pravni položaj Agencije, odnosno propisano je da Agencija ima svojstvo pravnog lica i da je Agencija specijalizovana organizacija Kantona Sarajevo.

**Član 3.** - (Sjedište) Propisano je sjedište Agencije.

**Član 4.** - (Početak rada) Propisan je početak rada Agencije.

**Član 5.** - (Djelatnost Agencije) Propisana je djelatnost Agencije.

**Član 6.** - (Nadležnost u oblasti privlačenja investicija) Propisana je nadležnost u oblasti privlačenja investicija.

**Član 7.** - (Nadležnost u oblasti privatizacije) Propisana je nadležnost u oblasti privatizacije.

**Član 8.** - (Nadležnost u oblasti koordinacije i korištenju EU i drugih međunarodnih i domaćih fondova) Propisana je nadležnost u oblasti koordinacije i korištenju EU i drugih međunarodnih i domaćih fondova.

**Član 9.** - (Upravno rješavanje u oblasti privatizacije i zaključivanje ugovora) Propisano je upravno rješavanje u oblasti privatizacije i zaključivanje ugovora.

**Član 10.** - (Upravni nadzor) Propisan je upravni nadzor i obezbijeđena dvostepenost u rješavanju u predmetima privatizacije.

**Član 11.** - (Saradnja s drugim organima i institucijama) Propisana je saradnja sa drugim organima i institucijama.



- Član 12.** - (Obaveza dostave informacija i pružanja podrške) Propisana je obaveza organa uprave za dostavu informacija i pružanja podrške Agenciji u njenom radu.
- Član 13.** - (Organi Agencije) Propisano je da su organi Agencije Upravni odbor, Nadzorni odbor i direktor.
- Član 14.** - (Sastav Upravnog odbora i odgovornost za rad) Propisan je sastav Upravnog odbora Agencije i odgovornost za rad.
- Član 15.** - (Nadležnosti Upravnog odbora) Propisane su nadležnosti Upravnog odbora Agencije.
- Član 16.** - (Sastav Nadzornog odbora i odgovornost za rad) Propisan je sastav Nadzornog odbora Agencije i odgovornost za rad.
- Član 17.** - (Nadležnosti Nadzornog odbora) Propisane su nadležnosti Nadzornog odbora Agencije.
- Član 18.** - (Direktor) Propisan je način imenovanja i mandat direktora Agencije.
- Član 19.** - (Nadležnosti direktora) Propisane su nadležnosti direktora Agencije.
- Član 20.** - (Statut) Propisan je osnovni sadržaj statuta Agencije.
- Član 21.** - (Finansiranje Agencije) Propisan je način finansiranja Agencije.
- Član 22.** - (Finansijsko poslovanje) Propisano je finansijsko poslovanje Agencije.
- Član 23.** - (Prestanak rada Kantonalne agencije za privatizaciju) Zbog promjene naziva propisan je prestanak rada Kantonalne agencije za privatizaciju.
- Član 24.** - (Rok za imenovanje direktora) Propisan je rok za imenovanje direktora Agencije.
- Član 25.** - (Statut i opći akti) Propisan je rok za donošenje statuta i drugih općih akata Agencije.
- Član 26.** - (Rok za imenovanje Upravnog i Nadzornog odbora) Propisan je rok za imenovanje Upravnog i Nadzornog odbora Agencije.
- Član 27.** - (Prestanak mandata) Propisan je dan prestanka mandata organa Kantonalne agencije za privatizaciju.
- Član 28.** - (Preuzimanje zaposlenika) Propisana je obaveza preuzimanja zaposlenika Kantonalne agencije za privatizaciju, koja ovim zakonom prestaje sa radom.
- Član 29.** - (Preuzimanje poslova, opreme, sredstava za rad, arhive, akata, predmeta i druge dokumentacije) Propisan je dan preuzimanja poslova, sredstava i predmeta Kantonalne agencije za privatizaciju, čiji je pravni sljednik.
- Član 30.** - (Prestanak važenja Zakona o Kantonalnoj agenciji za privatizaciju) Propisan je prestanak važenja Zakona o Kantonalnoj agenciji za privatizaciju.
- Član 31.** - (Stupanje na snagu) Propisano je stupanje na snagu zakona, odnosno da ovaj Zakon stupa na snagu osmog dana od dana objavljivanja u "Službenim novinama Kantona Sarajevo".

#### **IV - FINANSIJSKA SREDSTVA**

Za provođenje ovog zakona potrebna su dodatna dodatna finansijska sredstva u Budžetu Kantona Sarajevo radi zapošljavanja 5 novih zaposlenika, od čega 4 sa VSS i jedan sa SSS, iz razloga što se ovim Zakonom Agenciji propisuju nove nadležnosti.



Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry of Justice and Administration

Broj: 03-04-02-10487/22  
Sarajevo, 15.03.2022. godine

**MINISTARSTVO PRIVREDE**  
gosp. Adnan Delić, ministar

**PREDMET: Prijedlog Zakona o Kantonalnoj agenciji za privlačenje investicija  
i privatizaciju, mišljenje –**  
**VEZA: Vaš akt, broj: 07-02-04-22793/21 od 11.03.2022. godine**



Postupajući po Vašem aktu, broj i datum gornji, na osnovu odredbi člana 7. Zakona o ministarstvima i drugim organima uprave Kantona Sarajevo („Službene novine Kantona Sarajevo”, broj 36/21) i člana 4. stav 2. Uredbe o postupku i načinu pripremanja, izrade i dostavljanja propisa („Službene novine Kantona Sarajevo”, broj 50/17-Dруги нови преčišćени текст и 2/18-Ispravka), Ministarstvo pravde i uprave razmotrilo je nacrt Zakona i daje sljedeće

### MIŠLJENJE

Prijedlog Zakona o Kantonalnoj agenciji za privlačenje investicija i privatizaciju je propis kojim se ne povređuju prava zaštićena odredbama Evropske konvencije o zaštiti ljudskih prava i osnovnih sloboda, niti je u suprotnosti sa drugim pravnim aktima, kojima je utvrđena zaštita ljudskih prava i sloboda.

S poštovanjem,

Dostaviti:  
1. Naslovu;  
2. a/a.



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-083, Fax: + 387 (0) 33 562-241  
Web: <http://mpu.ks.gov.ba>, E-mail: [mpu@mpu.ks.gov.ba](mailto:mpu@mpu.ks.gov.ba)

1/1





Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Finance

Broj: 08/03-11-10486/22 N.B.  
Sarajevo, 15.03.2022. godine

**MINISTARSTVO PRIVREDE**  
**KANTONA SARAJEVO**

**Predmet:** Mišljenje na Prijedlog zakona o Kantonalnoj agenciji za privlačenje investicija i privatizaciju

**Veza:** Vaš dopis, broj: 07-02-04-22793/21 od 11.03.2022. godine

Vežano za Vaš zahtjev za mišljenje na Prijedlog zakona o Kantonalnoj agenciji za privlačenje investicija i privatizaciju, u skladu sa članom 8. Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, broj 34/16 i 15/18), dajemo sljedeće mišljenje:

Ministarstvo za privredu je postupilo u skladu sa navedenim Pravilnikom i Ministarstvu finansija uz odluke dostavilo na mišljenje popunjen i potpisan obrazac-IFP-DA u kojem je data sljedeća izjava: „Za provredu ovog Zakona zbog dodatnih nadležnosti, Agencija planira zaposliti dodatnih 5 (pet) zaposlenika, od čega 4 sa VSS i 1 sa SSS, uslijed čega je potrebno planirati dodatna sredstva u budžetu“.


U obrascu izjave o fiskalnoj procjeni vidljivo je da su za provođenje zakona o Kantonalnoj agenciji za privlačenje investicija i privatizaciju, potrebna dodatna sredstva u iznosu od 90.000,00 KM za 2022. godinu i 530.000,00 KM za 2023.godinu i 2024.godinu. U Budžeta Kantona Sarajevo za 2022.godini na razdjelu Ministarstva za privredu a na poziciji Tekući transferi-podrška poslovanju Kantonalna Agencija za privatizaciju, planiran je iznos od 350.000,00 KM.

Obzirom da će Prijedlog zakona o Kantonalnoj agenciji za privlačenje investicija i privatizaciju imati dodatne finansijske efekte i da je u izjavi IFP-DA u djelu rashoda i izdataka iz budžeta izjavljeno da su u tekućoj godini (2022) planirana sredstva u iznosu od 350.000,00 KM a da će nedostajuća sredstva u iznosu od 90.000,00 KM biti obezbijedena preraspodjelom (popunjeno kolonom 7), a da je u 2023.g i 2024.g potrebno planirati sredstva u iznosu od 530.000,00 KM, Ministarstvo finansija, sa aspekta fiskalnog učinka konstatuje da za 2022.godinu **nema primjedbi**, a da je za naredne godine potrebo obezbijediti iskazana sredstva u skladu sa odobrenim gornjim granicama rashoda.




Ovo mišljenje je dato u skladu sa odredbama Prijedloga zakona koji se obrađuje i obrazloženja navedenog u Obrascu IFP-DA Izjave o fiskalnoj procjeni, čija tačnost je u isključivoj odgovornosti Predlagača, te ukoliko se naknadno utvrdi da navedene odredbe i podaci odstupaju od stvarno činjeničnog stanja, ovo mišljenje će se staviti van snage.

Dostaviti:

1.  Naslovu
2. MF – Sektor za budžet i fiskalni sistem
3. a/a

Pripremio: Nedžad Bašić, dipl.ecc  
Kontrolisala: Amina Močević, mr.



Adresa: Maršala Tita 62, 71 000 Sarajevo  
Tel: + 387 (0) 33 565-005, Fax: + 387 (0) 33 565-052  
Web: <http://mf.ks.gov.ba>, E-mail: [mf@mf.ks.gov.ba](mailto:mf@mf.ks.gov.ba)

2/2





Broj: 09-02-10485/22  
Sarajevo, 16.03.2022. godine

KANTON SARAJEVO  
MINISTARSTVO PRIVREDE

**PREDMET: Mišljenje na prijedlog Zakona o Kantonalnoj agenciji za  
privlačenje investicija i privatizaciju.-**

Na osnovu člana 2. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj: 7/06-Prečišćeni tekst) i člana 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17-Dруги нови преčišćени текст и 2/18-Ispravka), Ured za zakonodavstvo Vlade Kantona Sarajevo, daje slijedeće


**MIŠLJENJE**

1. Prijedlog Zakona o Kantonalnoj agenciji za privlačenje investicija i privatizaciju ne sadrži odredbe koje bi bile u suprotnosti sa odredbama ustava i drugih pozitivno-pravnih propisa koji uređuju predmetnu oblast.

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17- Други нови преčišćени текст и 2/18- Ispravka), te se isti može razmatrati na jednoj od narednih sjednica Vlade Kantona Sarajevo, uz napomenu da se predmetni materijal dopuni sa mišljenjem Ministarstva finansija Kantona Sarajevo, jer je za provođenje ovog propisa potrebno obezbjediti budžetska sredstva.


Dostaviti:

1. Naslovu
2. Evidencija
3. Arhiva










Bosnia and Herzegovina  
Federation of Bosnia and Herzegovina

**CANTON SARAJEVO**  
Public Defender's Office of Sarajevo Canton

Broj: M-53/22  
Sarajevo, 30.03.2022.godine

Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo privrede



Veza: Vaš akt, broj: 07-02-04-22793/21 od 11.03.2022.godine

Aktom broj i datum veze, koji je zaprimljen u Pravobranilaštvu Kantona Sarajevo dana 16.03.2022.godine, obratili ste sa zahtjevom kojim tražite mišljenje ovog organa na Prijedlog Zakona o kantonalnoj agenciji za privlačenje investicija i privatizaciju, a u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17 – Drugi novi prečišćeni tekst i 2/18 – Ispravka).

Na osnovu uvida u prednje citirani Prijedlog Zakona, te nakon proučavanja važećih zakonskih propisa koji regulišu predmet Vašeg zahtjeva, Pravobranilaštvo Kantona Sarajevo na osnovu člana 15. Zakona o pravobranilaštvu izjašnjava se i daje sljedeće:

### M I Š L J E N J E


Članom 3. stav 4. Uredbe o postupku i načinu pripremanja, izrade i dostavljanja propisa utvrđeno je da u slučaju ukoliko se propisom regulišu imovinsko-pravni odnosi, nosilac izrade je dužan pribaviti mišljenje Pravobranilaštva Kantona Sarajevo shodno Zakonu o pravobranilaštvu, što je u konkretnom slučaju i učinjeno.

Polazeći od nadležnosti Pravobranilaštva, ovaj organ smatra da dostavljeni tekst Prijedloga Zakona o kantonalnoj agenciji za privlačenje investicija i privatizaciju nema negativan uticaj po imovinsko-pravne interese Kantona Sarajevo, te u tom kontekstu ovo Pravobranilaštvo nema primjedbi, s tim što napominjemo da je u obrazloženju predlagača navedeno da je za provođenje ovog zakona potrebno obezbijediti dodatna finansijska sredstva u Budžetu Kantona Sarajevo radi zapošljavanja 5 novih zaposlenika iz razloga što se ovim Zakonom propisuju nove nadležnosti.

Za sve dodatne informacije ili konsultacije stojimo Vam na raspolaganju.

S poštovanjem,

v.d. PRAVOBRANILAC KANTONA SARAJEVO



<http://pb.ks.gov.ba>, e-mail: [pb@pb.ks.gov.ba](mailto:pb@pb.ks.gov.ba)  
Tel/fax: +387(0)33 214-033, +387(0)33 666-614 +387(0)33 226-024  
Sarajevo, Branilaca Sarajeva 21





**EKONOMSKO - SOCIJALNO VIJEĆE  
ZA PODRUČJE KANTONA SARAJEVO**

Ul. Reisa Džemaludina Čauševića br. 1., 71 000 Sarajevo, BiH

Telefon: +387 33 562 091

e-mail: [esvks@mrsri.ks.gov.ba](mailto:esvks@mrsri.ks.gov.ba)

web: <http://mrsri.ks.gov.ba/esv>

**Broj: 13-04/2-04-9870-3-1/22**  
**Sarajevo, 16.03.2022. godine**

- **VLADA KANTONA SARAJEVO**  
n/r gosp. Edin Forto, premijer
- **Gosp. Franjo Rener, predsjednik ESV KS**  
Savez samostalnih sindikata BiH – Kantonalni odbor Kanton Sarajevo  
Ul. Obala Kulina bana br. 1, 71000 Sarajevo
- **Gosp. Safudin Čengić, potpredsjednik ESV KS**  
CENTROTRANS – EUROLINES  
Ul. Kurta Schorka br. 14, 71000 Sarajevo
- **Ministarstvo za rad, socijalnu politiku, raseljena lica i izbjeglice Kantona Sarajevo**  
n/r Ivana Prvulović
- **Savez samostalnih sindikata BiH – Kantonalni odbor Kanton Sarajevo**  
gosp. Franjo Rener, predsjednik ESV KS  
Ul. Obala Kulina bana br. 1, 71000 Sarajevo
- **Udruženje poslodavaca Kantona Sarajevo**  
Dr.sc. Safudin Čengić, predsjednik  
Ul. Maršala Tita 6 , 71000 Sarajevo
- **Ministarstvo privrede Kantona Sarajevo**  
- OVDJE -

**Predmet: Zaključak Ekonomsko – socijalnog vijeća za područje Kantona Sarajevo, dostavlja se**

U prilogu se dostavlja Zaključak Ekonomsko – socijalnog vijeća za područje Kantona Sarajevo, donijet na 86. sjednici Ekonomsko - socijalnog vijeća za područje Kantona Sarajevo održanoj 16.03.2022. godine.

S poštovanjem,

**PREDSJEDNIK ESV KS**

**Dr.sc. Safudin Čengić s.r.**

Dostaviti:  
1. Naslovu x7  
2. a/a





## EKONOMSKO - SOCIJALNO VIJEĆE ZA PODRUČJE KANTONA SARAJEVO

Ul. Reisa Džemaludina Čauševića br. 1., 71 000 Sarajevo, BiH

Telefon: +387 33 562 091

e-mail: [esvks@mrsri.ks.gov.ba](mailto:esvks@mrsri.ks.gov.ba)


web: <http://mrsri.ks.gov.ba/esv>

Broj: 13-04/2-04-9870-3/22  
Sarajevo, 16.03.2022. godine

U skladu sa članom 3. Sporazuma o osnivanju Ekonomsko - socijalnog vijeća za područje Kantona Sarajevo br. 02-05-33200-19.1/05 od 03.02.2006. godine, 02-05-21020-16.1/11 od 30.06.2011. godine i 02-05-23316-25/16 od 14.07.2016. godine i čl. 23. Poslovnika o radu Ekonomsko - socijalnog vijeća za područje Kantona Sarajevo br. 01-69-4-50/18 od 17.07.2018. godine, 01-73-6-29-1/19 od 15.05.2019. godine i 13-01/2-04-4151-5/21 od 23.02.2021. godine, Ekonomsko - socijalno vijeće za područje Kantona Sarajevo je donijelo sljedeći:

### ZAKLJUČAK

Ekonomsko – socijalno vijeće za područje Kantona Sarajevo podržava donošenje Zakona o kantonalnoj agenciji za privlačenje investicija i privatizaciju.



Dostaviti:

1. Premijer Kantona Sarajevo,
2. Predsjednik ESV KS,
3. Potpredsjednici ESV KS (X2),
4. Savez samostalnih sindikata BiH - Kantonalni odbor Kanton Sarajevo,
5. Udruženje poslodavaca Kantona Sarajevo,
6. Ministarstvo privrede Kantona Sarajevo,
7. A/a.





Bosna i Hercegovina  
Federacija Bosne i Hercegovine  
SKUPŠTINA KANTONA  
SARAJEVO



Босна и Херцеговина  
Федерација Босне и Херцеговине  
СКУПШТИНА КАНТОНА  
САРАЈЕВО

Bosnia and Herzegovina  
Federation of Bosnia and Herzegovina  
CANTON SARAJEVO  
ASSEMBLY

Na osnovu čl. 140., 141., 142. i 143. Poslovnika Skupštine Kantona Sarajevo („Službene novine Kantona Sarajevo“ broj: 41/12 - Drugi novi prečišćen tekst, 15/13, 47/13, 47/15, 48/16, 9/20 i 14/20), Skupština Kantona Sarajevo, na 46. Radnoj sjednici održanoj dana 27.12.2021. godine, donijela je sljedeći

## ZAKLJUČAK

1. Utvrđuje se Nacrt Zakona o kantonalnoj agenciji za privlačenje investicija i privatizaciju.

2. Javna rasprava održaće se u kantonalnim organima, jedinicama lokalne samouprave, naučnim i stručnim ustanovama i trajaće 30 dana.

3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.

4. Vlada Kantona Sarajevo je dužna da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga Zakona o kantonalnoj agenciji za privlačenje investicija i privatizaciju.

Broj: 01-02-47721/21  
27.12.2021. godine  
SARAJEVO



PREDSJEDAVAJUĆI  
SKUPŠTINE KANTONA SARAJEVO

Elvedin Okerić

Materijal pripremio: Emir Nalbantić  
Materijal kontrolisala: Amela Smailagić-Čamdžić



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-044,  
Fax: + 387 (0) 33 562-210  
Sarajevo, Reisa Džemaludina Čauševića 1







Bosna i Hercegovina  
Federacija Bosne i Hercegovine  
**KANTON SARAJEVO**  
**VLADA**

**IZVJEŠTAJ**  
**O REZULTATIMA JAVNE RASPRAVE O NACRTU ZAKONA O**  
**KANTONALNOJ AGENCIJI ZA PRIVLAČENJE INVESTICIJA I**  
**PRIVATIZACIJU**

Nosilac izrade:  
Ministarstvo privrede Kantona Sarajevo

Sarajevo, februar, 2022. godine

# **IZVJEŠTAJ**

## **O REZULTATIMA JAVNE RASPRAVE O NACRTU ZAKONA O KANTONALNOJ AGENCIJI ZA PRIVLAČENJE INVESTICIJA I PRIVATIZACIJU**

Skupština Kantona Sarajevo, na 46. Radnoj sjednici održanoj dana 27.12.2021. godine, Zaključkom broj: 01-02-47721/21 od 27.12.2021. godine, utvrdila je Nacrt zakona o Kantonalnoj agenciji za privlačenje investicija i privatizaciju. U tački 2. navedenog zaključka utvrđeno je da će se javna rasprava održati u kantonalnim organima, jedinicama lokalne samouprave, naučnim i stručnim ustanovama, u trajanju od 30 dana. Za organizovanje i provođenje javne rasprave Skupština Kantona Sarajevo je zadužila Vladu Kantona Sarajevo, koja je nakon provedene javne rasprave obavezna da Skupštini Kantona Sarajevo podnese Izvještaj o rezultatima javne rasprave. Izvještaj treba da sadrži primjedbe, prijedloge i mišljenja, kao i obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga zakona o Kantonalnoj agenciji za privlačenje investicija i privatizaciju.

Ministarstvo privrede Kantona Sarajevo, kao nosilac izrade Nacrta zakona o Kantonalnoj agenciji za privlačenje investicija i privatizaciju dostavilo je Službi za skupštinske poslove spisak subjekata za javnu raspravu o Nacrtu zakona o Kantonalnoj agenciji za privlačenje investicija i privatizaciju, i to:

1. Vlada Kantona Sarajevo - Premijeru;
2. Svim ministarstvima Kantona Sarajevo;
3. Grad Sarajevo;
4. Svim općinama Kantona Sarajevo;
5. Pravobranilaštvo Kantona Sarajevo;
6. Kantonalna agencija za privatizaciju Sarajevo;
7. Kantonalna uprava za inspeksijske poslove, Dalmatinska br. 2, Sarajevo;
8. Privredna komora Kantona Sarajevo, La Benevolencije 8;
9. Transparency International-Ispostava Sarajevo, Mula Mustafe Bašeskije br. 9/1, Sarajevo;
10. Centar civilnih inicijativa, Koste Hermana 11/2, Sarajevo.

Pismene primjedbe, prijedloge i mišljenja na Nacrt zakona o Kantonalnoj agenciji za privlačenje investicija i privatizaciju, dostavili su sljedeći subjekti:

1. Ministarstvo pravde i uprave Kantona Sarajevo,
2. Ministarstvo unutrašnjih poslova Kantona Sarajevo,
3. Općina Novo Sarajevo.

### **PRIMJEDBE, PRIJEDLOZI I MIŠLJENJA**

#### **1. MINISTARSTVO PRAVDE I UPRAVE KANTONA SARAJEVO**

Ministarstvo pravde i uprave Kantona Sarajevo je aktom broj: 03-04-02-1319/22 od 17.01.2022. godine dostavilo sljedeće tri primjedbe:

Primjedba 1. - U pravnom osnovu Nacrta zakona, osim člana 18. tačka b) Ustava Kantona Sarajevo ("Službene novine Kantona Sarajevo", broj: 1/96, 2/96, 16/97, 14/00, 4/01, 28/04, 6/13 i 31/17) kojim je utvrđena zakonodavna funkcija Skupštine Kantona Sarajevo, naveden je član 20. Zakona o Agenciji za privatizaciju ("Službene novine Federacije Bosne i Hercegovine", br.

18/96, 2/02 i 110/12) kojim je propisano da zakonodavno tijelo kantona svojim propisom regulira pitanja od značaja za osnivanje i rad kantonalne agencije za privatizaciju u dijelu koje nije regulisano ovim zakonom. S obzirom da se ovim zakonom osniva Kantonalna agencija za privlačenje investicija i privatizaciju, kao i da je u članu 5. Nacrta zakona proširena djelatnost Agencije na poslove koji se odnose na podršku u privlačenju investicija, privatizaciju, koordinaciju i korištenje EU fondova na nivou Kantona, upitno je da li iz ovakvog osnova proizilazi ovlaštenja za donošenje zakona i proširenje djelatnosti na privlačenje investicija i korištenje EU fondova.

## **STAV PREDLAGAČA**

**Primjedba se ne prihvata.**

### **Obrazloženje:**

Pravni osnov koji je naveden u Nacrtu zakona o Kantonalnoj agenciji za privlačenje investicija i privatizaciju je dovoljan za donošenje ovog zakona. U članu 18. tačka b) Ustava Kantona Sarajevo ("Službene novine Kantona Sarajevo", broj: 1/96, 2/96, 16/97, 14/00, 4/01, 28/04, 6/13 i 31/17) utvrđena je zakonodavna funkcija Skupštine Kantona Sarajevo, a u članu 20. Zakona o Agenciji za privatizaciju ("Službene novine Federacije Bosne i Hercegovine", br. 18/96, 2/02 i 110/12) propisano je da zakonodavno tijelo kantona svojim propisom regulira pitanja od značaja za osnivanje i rad kantonalne agencije za privatizaciju u dijelu koje nije regulisano ovim zakonom. Napominjemo da je Kantonalna agencija za privatizaciju Tuzlanskog kantona u toku 2020. i 2021. godine, prilikom proširenja nadležnosti ove Agencije na poslove upravljanja regionalnim razvojem kao i na aktivnosti korištenja EU fondova, pribavila mišljenje i odgovore relevantnih institucija i to:

- mišljenje Agencije za privatizaciju Federacije Bosne i Hercegovine u kojem je navedeno, imajući u vidu član 20. Zakona o Agenciji za privatizaciju ("Službene novine Federacije Bosne i Hercegovine", br. 18/96, 2/02 i 110/12), da su mišljenja da ne postoji prepreka da zakonodavno tijelo kantona svojim propisom regulira pitanja proširenja djelatnosti kantonalne agencije za privatizaciju na druge djelatnosti;
- odgovor Direkcije za evropske integracije u kojem je, između ostalog, navedeno da Direkcija podržava uspostavu tijela na nivou Tuzlanskog kantona koje bi pružalo neophodnu podršku obimnim i raznovrsnim procesima u oblasti EU integracija koji se prvenstveno odnose na sljedeće aktivnosti: izrada stručnih analiza iz oblasti upravljanja regionalnim razvojem; razvijanje neophodnih kapaciteta za EU strukturalne fondove; planiranje i praćenje procesa implementacije IPA fondova, kao i osiguranje neophodnih preduslova za iste; koordinacija rada predstavnika kantona u radu i aktivnostima Odbora za IPA i sl.; i
- odgovor Ureda za evropske integracije Vlade Federacije Bosne i Hercegovine u kojem je, između ostalog, navedeno da ovaj Ured iskazuje podršku za uspostavljanje tijela za koordinaciju poslova iz oblasti regionalnog razvoja i koordinacije EU fondova na nivou Tuzlanskog kantona, te da je važno uskladiti strateško planiranje potreba kantona/općina sa razvojnim projektima.

Primjedba 2. - U poglavlju II Nacrta zakona, koji nosi naziv "Pravni položaj, sjedište i početak rada Agencije", nije propisan pravni položaj Agencije, niti je on vidljiv iz postojećih odredbi. Odredba člana 2. stav (2) koji propisuje da je Agencija specijalizovana organizacija Kantona Sarajevo, nije dovoljno definisana, ne odgovara propisima koji uređuju organizaciju organa uprave u Kantonu Sarajevo.



## **STAV PREDLAGAČA**

**Primjedba se djelimično prihvata.**

### **Obrazloženje:**

Primjedba se prihvata u dijelu koji se odnosi na pravni položaj Agencije. Djelimičnim prihvatanjem ove primjedbe u Nacrtu zakona izmjenjen je naziv člana 2. i umjesto naziva: „Status i organizacija” naziv člana 2. glasi: „Pravni položaj”, koji je i definisan u članu 2., samo što dosadašnji naziv člana 2. Nacrta zakona nije bio adekvatan nazivu Poglavlja II Nacrta zakona, koji nosi naziv “Pravni položaj, sjedište i početak rada Agencije”.

Primjedba koja se odnosi na član 2. stav (2) Nacrta zakona nije utemeljena, jer je i važećim Zakonom o kantonalnoj agenciji za privatizaciju Agencija definisana specijalizovana organizacija Kantona Sarajevo, a ne kao organ uprave ili upravna organizacija, te se shodno tome na nju i ne odnose propisi koji uređuju organizaciju organa uprave u Kantonu Sarajevo, tj. na ovu Agenciju se ne odnosi Zakon o ministarstvima i drugim organima uprave Kantona Sarajevo (“Službene novine Kantona Sarajevo”, broj 36/21).

Primjedba 3. - Obratiti pažnju na mogući sukob nadležnosti u smislu člana 6. Nacrta zakona koji propisuje nadležnost u oblasti privlačenja investicija i člana 8. koji propisuje nadležnost u oblasti koordinacije i korištenju EU fondova, s obzirom da na državnom nivou postoji Agencija za unapređenje stranih investicija u Bosni i Hercegovini (FIPA), osnovana u skladu sa Zakonom o Agenciji za unapređenje stranih investicija u Bosni i Hercegovini (“Službeni glasnik Bosne i Hercegovine”, broj 56/04) i Direkcija za evropske integracije, koja u kontekstu korištenja EU fondova saraduje sa predstavnicima iz članica Evropske unije i međunarodnih organizacija.

## **STAV PREDLAGAČA**

**Primjedba se ne prihvata.**

### **Obrazloženje:**

Obzirom da se u primjedbi ne navodi konkretno koji je to mogući sukob nadležnosti, predlagač je stava da nema sukoba nadležnosti sa Agencijom za unapređenje stranih investicija u Bosni i Hercegovini (FIPA) i Direkcijom za evropske integracije, jer su u Nacrtu zakona o Kantonalnoj agenciji za privlačenje investicija i privatizaciju, osim nadležnosti u oblasti privatizacije, propisane i nadležnosti u oblasti privlačenja kako stranih tako i domaćih investicija, u oblasti koordinacije i korištenja EU fondova, ali sve navedeno se odnosi na Kanton Sarajevo. U članu 5. stav (1) Zakona o Agenciji za unapređenje stranih investicija u Bosni i Hercegovini (“Službeni glasnik BiH”, broj 56/04) propisano je da Agencija vrši promociju i unapređenje direktnih stranih investicija u skladu sa zakonom, odlukama i smjernicama Vijeća ministara Bosne i Hercegovine. U tački III Odluke o Direkciji za evropske integracije, broj: 227/03 od 03.12.2003. godine, koju je donijelo Vijeće ministara Bosne i Hercegovine propisano je sljedeće: “Saglasno članu 18. Zakona o ministarstvima i drugim organima uprave Bosne i Hercegovine (“Službeni glasnik BiH”, broj 5/03) Direkcija je nadležna: za koordiniranje poslova na usklađivanju pravnog sistema Bosne i Hercegovine sa standardima za pristupanje Evropskoj uniji (acquis communautaire), za usklađivanje aktivnosti organa i institucija u Bosni i Hercegovini koje se odnose na odgovarajuće aktivnosti potrebne za evropske integracije, da učestvuje kao tehničko operativno tijelo za kontakte sa Evropskom komisijom, za koordinaciju provođenja odluka koje donose nadležni organi i institucije Bosne i Hercegovine, entiteta i Brčko Distrikta Bosne i Hercegovine u odnosu na sve aktivnosti potrebne za evropske integracije, da učestvuje u

aktivnostima ili da izrađuje nacрте zakona, drugih propisa i smjernica koje se odnose na izvršavanje poslova koje je Bosna i Hercegovina dužna preduzimati u procesu uključivanja u evropske integracije, za djelovanje kao glavni operativni partner institucija Evropske komisije u procesu stabilizacije i pridruživanja, za koordinaciju pomoći Evropske unije Bosni i Hercegovini.

## **2. MINISTARSTVO UNUTRAŠNJIH POSLOVA KANTONA SARAJEVO**

Ministarstvo unutrašnjih poslova Kantona Sarajevo dostavilo je akt broj: 01-7-02-84-1/22 od 26.01.2022. godine u kojem je navedeno da ovo Ministarstvo nema primjedbi, prijedloga, mišljenja i sugestija na tekst Nacrta zakona o kantonalnoj agenciji za privlačenje investicija i privatizaciju.

## **3. OPĆINA NOVO SARAJEVO**

Općina Novo Sarajevo je aktom broj: 06-11-66/22 od 25.01.2022. godine dostavila sljedeće prijedloge:

U tekstu člana 5. iza riječi EU dodati “i drugih međunarodnih i domaćih”. Ostatak teksta ovog člana ostaje nepromijenjen.

U nazivu člana 8. iza riječi EU dodati riječi: “i drugih međunarodnih i domaćih”. Ostatak naziva ostaje nepromijenjen.

U tački b) člana 8., iza riječi EU dodati riječi: “kao i druge međunarodne i domaće fondove”. Ostatak teksta ove tačke ostaje nepromijenjen.

U tačkama c) i d) člana 8. iza riječi EU dodati riječi: “i drugih međunarodnih i domaćih”. Ostatak teksta ove tačke ostaje nepromijenjen.

### **Obrazloženje**

U nadležnost Agencije stavljena je oblast koordinacije i korištenja EU fondova. Međutim, pored ovih fondova, postaje i drugi, kako međunarodni, tako i domaći fondovi iz kojih je moguće povlačiti sredstva, te se s toga ne bi trebalo ograničavati samo na EU fondove. Putem fondova drugih međunarodnih organizacija i institucija (npr. UNDP, USAID, Vlada Japana itd.), te domaćih institucija, organizacija, kompanija (npr. Fond za zaštitu okoliša FBiH, Vlada Federacije, BH Telecom itd.), također, je moguće povući značajna sredstva za finansiranje ili sufinansiranje različitih projekata. Korištenje većeg broja dostupnih fondova kao rezultat će imati veće povlačenje sredstava, čime će se doprinijeti bržem razvoju Kantona, kao i stvaranju kvalitetnijih uslova za život njegovih građana.

### **STAV PREDLAGAČA**

**Prijedlozi se prihvataju.**

Sarajevo, 04.03.2022. godine





# SLUŽBENE NOVINE KANTONA SARAJEVO

Godina I - Broj 1

Ponedjeljak, 11. marta 1996.  
SARAJEVO

Za svaki broj  
se pojedinačno određuje  
cijena

Na osnovu članova V-1.4. i IX-3(4) Ustava Federacije Bosne i Hercegovine ("Službene novine Federacije BiH", broj 1/94), Skupština Kantona Sarajevo, na sjednici održanoj dana 11. marta 1996. godine, donosi

Član 4.

## Teritorij Kantona

Teritorij Kantona obuhvata područja općina Centar Sarajevo, Hadžići, Hadža, Ilijaš, Novi Grad Sarajevo, Novo Sarajevo, Stari Grad Sarajevo, Trnovo i Vogosća, kako je to utvrdio Mirovnim sporazumom. Ovaj teritorij se bliže utvrđuje posebnim propisom Skupštine Kantona (dalje: Skupština) sukladno federalnim zakonima.

U slučaju izmjena teritorija Kantona odvajanjem dijelova teritorije radi pripajanja kantonima ili pripajanjem dijelova drugih kantona ovom Kantonu, Skupština daje svoje prethodno mišljenje, a radi njegove potvrde može zatražiti i lično i izjašnjavanje građana sa područja Kantona na neki od propisanih načina.

Član 5.

## Službena obilježja Kantona

Kanton ima grb, zastavu, himnu/svečanu pjesmu i pečat, kao i druga obilježja o kojima odluči Skupština.

Službena obilježja Kantona upotrebljavat će se samostalno ili zajedno sa službenim obilježjima Bosne i Hercegovine i Federacije, kako je to određeno njihovim propisima i propisima Kantona.

Za prihvatanje službenih obilježja iz prethodnog stava u Skupštini potrebna je kvalifikovana većina ukupnog broja poslanika.

Član 6.

## Odnos prema Bosni i Hercegovini i Federaciji

Sarajevo je glavni grad Bosne i Hercegovine i Federacije, kako je to određeno njihovim ustavima.

Organi vlasti u Kantonu su dužni obezbijediti punu zaštitu interesa Bosne i Hercegovine i Federacije u njihovom glavnom gradu. Oni ne mogu donositi bilo kakve

## USTAV KANTONA SARAJEVO

### I - OPĆE ODREDBE

Član 1

#### Sadržaj

Ovim Ustavom uređuju se organizacija i status Kantona Sarajevo (dalje: Kanton), njegove nadležnosti i struktura vlasti.

Član 2.

#### Uspostavljanje Kantona

Područje grada Sarajeva koje je razgraničenjem između entiteta u Bosni i Hercegovini izvršenim Mirovnim sporazumom za Bosnu i Hercegovinu potpisanim u Parizu 14. decembra/prosinca 1995. godine (dalje: Mirovni sporazum) pripalo Federaciji Bosni i Hercegovini (dalje: Federacija), organizira se kao kanton sukladno Ustavu Federacije i ovom Ustavu.

Član 3.

#### Naziv i sjedište Kantona

Službeni naziv Kantona je: Kanton Sarajevo.

Sjedište Kantona je u Sarajevu.



- d) komunikacijska i transportna infrastruktura;
- e) socijalna politika;
- f) provođenje zakona i drugih propisa o državljanstvu;
- g) imigracija i azil;
- h) turizam;
- i) korištenje prirodnih bogatstava.

Član 14.

**Vršenje nadležnosti**

Svoje nadležnosti Kanton izvršava donošenjem sopstvenih propisa i primjenom propisa Bosne i Hercegovine i Federacije.

Nadležnosti iz člana 13. ovog Ustava Kanton vrši u okviru dogovorenog sa federalnim vlastima. U slučaju da takav dogovor ne postoji te nadležnosti će Kanton vršiti cjelovito i samostalno.

Član 15.

**Prenošenje nadležnosti**

Svoje nadležnosti iz oblasti obrazovanja, kulture, turizma, lokalnog poslovanja i dobrotvornih aktivnosti, radija i televizije Kanton može prenositi na općine u svom sastavu. Ove nadležnosti će se obavezno prenositi na one općine u kojima većinsko stanovništvo prema nacionalnoj strukturi nije stanovništvo koje čini većinu i na području cijelog Kantona.

Kanton može neke od svojih nadležnosti prenijeti i na federalne vlasti, ukoliko bi se na taj način obezbijedilo njihovo efikasnije i racionalnije vršenje.

Odluku o prenošenju nadležnosti u smislu ovog člana donosi Skupština.

**IV - STRUKTURA VLASTI**

**A) ZAKONODAVNA VLAST**

Član 16.

**Opća odredba**

Zakonodavnu vlast u Kantonu vrši Skupština Kantona.

Član 17.

**Sastav Skupštine**

Skupština je jednodomno predstavničko tijelo sastavljeno od 45 (četrdesetpet) poslanika. Poslanici se biraju tajnim glasanjem na neposrednim izborima na cijelom području Kantona.

Prilikom izbora poslanika obezbjeđuje se odgovarajuća zastupljenost predstavnika Bošnjaka, Hrvata i ostalih naroda proporcionalno nacionalnoj strukturi stanovništva na području Kantona.

Izbor poslanika u Skupštini provodi se sukladno federalnim izbornim propisima, s tim što izbore raspisuje i provodi Skupština.

Mandat poslanika u Skupštini traje 2 (dvije) godine.

Član 18.

**Nadležnosti Skupštine**

**Skupština Kantona:**

- a) priprema i dvotrećinskom većinom usvaja Ustav Kantona;
- b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;
- c) bira i razrješava Predsjednika i podpredsjednika Kantona sukladno Ustavu Federacije i ovom Ustavu;
- d) utvrđuje politiku i donosi programe razvoja Kantona;
- e) potvrđuje imenovanje Premijera, zamjenika Premijera i članova Vlade Kantona;
- f) osniva kantonalne i općinske sudove i utvrđuje njihove nadležnosti;
- g) bira sudije kantonalnih sudova sukladno Ustavu Federacije i ovom Ustavu;
- h) usvaja budžet Kantona i donosi zakone o oporezivanju i na drugi način osigurava potrebno finansiranje;
- i) bira zastupnike u Dom naroda Federacije sukladno Ustavu Federacije;
- j) odlučuje o prijenosu ovlaštenja Kantona na općine i Federaciju;
- k) odobrava zaključivanje ugovora i sporazuma u oblasti međunarodnih odnosa i međunarodne suradnje;
- l) provodi istragu sukladno ovom Ustavu i posebnim propisima;
- m) vrši i druge poslove utvrđene federalnim propisima, ovim Ustavom i kantonalnim propisima.

Član 19.

**Način rada Skupštine**

Skupština bira predsjedavajućeg i dva njegova zamjenika iz reda izabranih poslanika.

Skupština zasijeda javno, izuzev u slučajevima kada je to predviđeno njenim poslovníkom. Izvještaji o zasjedanjima i donesenim odlukama se objavljuju u sredstvima javnog informiranja.

Način rada Skupštine bliže se uređuje poslovníkom.

Član 20.

**Poslanički imunitet**

Krivični postupak ili građanska parnica ne mogu biti pokrenuti protiv kantonalnog poslanika, niti kantonalni poslanik može biti zadržan u pritvoru ili kažnjen na bilo koji način zbog iznesenog mišljenja i datog glasa u Skupštini.

Član 21.

**Način odlučivanja u Skupštini**

U vršenju svojih nadležnosti Skupština donosi zakone, druge propise, te opće i pojedinačne akte (dalje: propisi).

## Članak 41.

Novčano kaznom u iznosu od 2.000 do 5.000 DEM kaznit će se za prekršaj porezni obveznik - pravna osoba, ako:

1. inspektora ometa ili onemogućiti u vršenju inspeksijskog nadzora (čl. 21. i 22.);
2. inspektor onemogućiti pretres stambenih i poslovnih prostorija (članak 22.);
3. u određenom roku ne postupi po rješenju inspektora i ne otkloni utvrđene nezakonitosti i nepravilnosti (članak 27.).

Za prekršaj iz stavka 1. ovog članka kaznit će se i odgovorna osoba u pravnoj osobi novčanom kaznom u iznosu od 500 DEM.

Pored novčane kazne počinitelju prekršaja iz stavka 1. ovog članka može se izreći i zaštitna mjera zabrane vršenja djelatnosti u trajanju tri mjeseca do jedne godine.

## Članak 42.

Novčanom kaznom od 500 do 1.000 DEM kaznit će se za prekršaj odgovorna osoba u organizacionoj jedinici Porezne uprave ili drugom dr avnom organu ako:

1. nadle noj organizacijskoj jedinici Porezne uprave ne dostavi podatke, dokumentaciju i materijal o prihodima, dobiti, imovini i drugim činjenicama od značaja za ostvarenja utvrđivanja i naplatu javnih prihoda u zakonom utvrđenom roku;
2. ne pru i pomoć drugoj organizacijskoj jedinici Porezne uprave na njen pismeni zahtjev.
3. ne dozvoli pregled poslovnih knjiga i drugih dokumenata od interesa za utvrđivanje javnih prihoda.

## IX - PRIJELAZNE I ZAVRŠNE ODREDBE

## Članak 43.

Ako ovim zakonom, za poslove inspeksijskog nadzora, neko pitanje nije uređeno shodno se primjenjuju odredbe Zakona o osnovama sistema uprave u Federaciji Bosne i Hercegovine o federalnoj upravi i odredbe Zakona o općem upravnom postupku.

## Članak 44.

Organizacija Porezne uprave uskladit će se sa odredbama ovog zakona najkasnije u roku od 60 dana od dana stupanja na snagu ovog zakona.

## Članak 45.

Poslovne prostorije, opremu, inventar, dokumentaciju i predmete koji nisu završeni do dana stupanja na snagu ovog zakona, preuzimaju nadle ne organizacijske jedinice Porezne uprave.

Kanton, odnosno općina du ni su osigurati odgovarajući poslovni prostor za rad djelatnika organizacijske jedinice Porezne uprave.

## Članak 46.

Porezna uprava preuzet će djelatnike koji su do dana stupanja na snagu ovog zakona radili u dosadašnjim poreznim slu bama na teritoriju Federacije.

## Članak 47.

Organizacijom Porezne uprave u roku iz članka 44. ovog zakona, na teritoriju Federacije prestaje primjena zakona o poreznim upravama.

## Članak 48.

Ovaj zakon stupa na snagu osmog dana od dana objavljivanja u "Slu benim novinama Federacije BiH".

Predsjedavajući  
Ustavotvornom skupštinom  
Mariofil Ljubić, v. r.

## 242

Na temelju poglavlja IV, odjeljak B, članak 7a Ustava Federacije Bosne i Hercegovine, donosim

## UKAZ

## O PROGLAŠENJU ZAKONA O AGENCIJI ZA PRIVATIZACIJU

Proglašava se Zakon o Agenciji za privatizaciju, koji je donijela Ustavotvorna skupština Federacije Bosne i Hercegovine, na 16. sjednici odr anoj 27. i 28. kolovoza 1996. godine.

Br US-01-500/96  
19. rujna/septembra  
1996. godine  
Sarajevo

Predsjednik  
Krešimir Zubak, v. r.

## ZAKON

## O AGENCIJI ZA PRIVATIZACIJU

## I - TEMELJNE ODREDBE

## Članak 1.

Ovim zakonom osniva se Agencija za privatizaciju u Federaciji Bosne i Hercegovine (u daljem tekstu: Agencija Federacije) i uređuje njen pravni polo aj, sjedište, djelatnost i nadle nost, upravljanje i rukovođenje, financiranje, kao i osnivanje i osnove ustroja i nadle nosti kantonalnih agencija za privatizaciju.

## II - PRAVNI POLOŽAJ I SJEDIŠTE AGENCIJE ZA PRIVATIZACIJU U FEDERACIJI BOSNE I HERCEGOVINE

## Članak 2.

Agencija Federacije je pravna osoba. Agencija Federacije je specijalizirana organizacija Federacije Bosne i Hercegovine ( u daljem tekstu: Federacija).

## Članak 3.

Sjedište Agencije Federacije je u Sarajevu.

## III - DJELATNOST I NADLEŽNOST AGENCIJE FEDERACIJE

## Članak 4.

Djelatnost Agencije Federacije jest obavljanje stručnih i drugih poslova u svezi s privatizacijom. Agencija Federacije obavlja i savjetodavne, promotivne, edukativne i druge sručne poslove, sukladno zakonu.

## Članak 5.

U okviru svoje djelatnosti Agencija Federacije naročito:

- inicira i učestvuje u pripremi donošenja zakona i drugih propisa u području privatizacije;
- suraduje s nadle nim ministarstvima, kantonima, agencijama i drugim organima i organizacijama za reorganizaciju i privatizaciju;
- vodi evidencije i statistike u okviru svog djelokruga;
- podnosi izvještaje o tijeku i rezultatima procesa privatizacije Vladi Federacije Bosne i Hercegovine (u daljem tekstu: Vlada Federacije);
- obavlja i druge poslove u svezi s privatizacijom i reorganizacijom (poduzeća i banaka utvrđenih zakonom i drugim propisima).

## Članak 6.

U okviru svoje djelatnosti, u svezi s privatizacijom poduzeća i banaka. Agencija Federacije:

- odobrava i sprovodi privatizaciju preduzeća koja imaju dijelove na području više kantona;
- organizira i podstiče obrazovanje i stručno usavršavanje iz oblasti privatizacije;



- pruža savjetodavnu pomoć agencijama kantona;
- prati i nadzire provođenje zakona i drugih propisa iz područja privatizacije i koordinira rad kantonalnih agencija;
- arbitrira u sporovima između kantonalnih agencija i drugih učesnika u postupku privatizacije, na njihov zahtjev;
- organizira i koordinira informativno-propagandnu djelatnost iz područja privatizacije.

#### Članak 7.

Agencija Federacije, u okviru svoje nadležnosti, ima javna ovlaštenja za donošenje pojedinačnih upravnih akata, u skladu s propisom o općem upravnom postupku.

#### Članak 8.

Upravni nadzor nad povjerenim javnim ovlaštenjima iz članka 7. ovog zakona vrše resorna ministarstva, svako u okviru svoje nadležnosti.

U vršenju upravnog nadzora ministarstva iz stavka 1. ovog članka, rješavaju po žalbama protiv donesenih upravnih akata u vršenju povjerenih javnih ovlaštenja i vrše druga prava, koja po zakonu ima drugostupanjski organ u upravnom postupku.

Agencija Federacije je dužna na najmanje jedanput godišnje ministarstvima iz stavka 1. ovog članka podnijeti izvještaj o vršenju povjerenih javnih ovlaštenja.

#### Članak 9.

U okviru svoje djelatnosti Agencija Federacije surađuje s nadležnim tijelima i institucijama Federacije i kantona te međunarodnim institucijama i organizacijama.

### IV - UPRAVLJANJE I RUKOVODENJE AGENCIJOM

#### 1. Upravni odbor

##### Članak 10.

Agencijom Federacije upravlja Upravni odbor. Upravni odbor se sastoji od devet članova. Upravni odbor ima predsjednika i dopredsjednika. Predsjednik i dopredsjednik Upravnog odbora ne mogu biti pripadnici istog naroda.

##### Članak 11.

Upravni odbor imenuje i razrješava Vlada Federacije.

##### Članak 12.

Upravni odbor Agencije Federacije:

- donosi Statut Agencije i druge opće akte;
- donosi poslovnik o radu;
- donosi akta o unutarnjem ustrojstvu Agencije Federacije;
- donosi finansijski plan i program rada Agencije Federacije;
- donosi završni račun i izvještaj o radu Agencije;
- donosi metodologiju i druga opća akta iz nadležnosti Agencije Federacije, sukladno zakonu;
- osniva komisije Agencije Federacije;
- obavlja i druge poslove sukladno zakonu i Statutu Agencije Federacije.

#### 2. Nadzorni odbor

##### Članak 13.

Nadzor zakonitosti rada i finansijskog poslovanja Agencije Federacije provodi Nadzorni odbor.

Nadzorni odbor se sastoji od predsjednika i pet članova koje imenuje i razrješava Parlament Federacije Bosne i Hercegovine.

Nadzorni odbor podnosi Parlamentu Federacije Bosne i Hercegovine izvještaj o svom radu najmanje jedanput godišnje.

##### Članak 14.

Za vršenje poslova iz svoje nadležnosti Nadzorni odbor može angažovati stručne institucije i nezavisne stručnjake.

##### Članak 15.

Agencijom Federacije rukovodi direktor.

Direktor ima zamjenika, koji ne može biti iz istog naroda kao i direktor.

Direktora i zamjenika direktora imenuje Vlada Federacije.

##### Članak 16.

Direktor Agencije Federacije naročito:

- rukovodi Agencijom Federacije;
- predstavlja i zastupa Agenciju Federacije;
- odgovara za zakonitost rada, pravilno i zakonito vođenje materijalno-financijskog poslovanja Agencije Federacije;
- obavlja druge poslove utvrđene zakonom, Statutom i drugim općim aktima Agencije Federacije.

##### Članak 17.

Statutom Agencije Federacije uređuju se naročito:

- osnove organizacije i načina poslovanja Agencije Federacije;
- tijela upravljanja i rukovođenja Agencijom Federacije;
- zastupanje, predstavljanje i potpisivanje Agencije Federacije;
- djelatnici s posebnim ovlastima i odgovornostima;
- druga organizacijska pitanja u svezi poslovanja Agencije Federacije.

Statut Agencije Federacije donosi Upravni odbor uz suglasnost Vlade Federacije.

##### Članak 18.

Agencija Federacije najmanje jedanput godišnje podnosi izvještaj o svom radu Vladi Federacije.

### V - FINANCIRANJE AGENCIJE FEDERACIJE

##### Članak 19.

Sredstva za osnivanje i poslovanje Agencije Federacije osiguravaju se iz:

- proračuna Federacije;
- dotacija domaćih i međunarodnih organizacija;
- naknada za usluge i drugih izvora.

### VI - KANTONALNE AGENCIJE ZA PRIVATIZACIJU

##### Članak 20.

Zakonodavno tijelo kantona svojim propisom regulira pitanja od značaja za osnivanje i rad kantonalne agencije za privatizaciju u dijelu kojim nije regulirano ovim zakonom.

##### Članak 21.

Kantonalne agencije za privatizaciju naročito vrše:

- organiziranje i podsticanje privatizacije poduzeća na teritoriji kantona za koji je osnovana;
- odobravanje početne bilance preduzeća sukladno metodologiji za pripremu poduzeća za privatizaciju;
- određivanje, provođenje, organiziranje i nadziranje privatizacije poduzeća na teritoriji svoje nadležnosti;
- zaključivanje ugovora o privatizaciji poduzeća putem prodaje, leasinga i drugih metoda;
- organiziranje i podsticanje obrazovanja i stručnog usavršavanja iz oblasti privatizacije;